

Я кѳалачѳун «машааллагъ» уча

ЯНИЛ ШАВРИЯ ИСЛАМРАВУ ЦИ УВКУНУ БУССАР?

Жунма чѳявуну баяй «я лавчѳун бур», «ява, янил кѳахѳун пув-пув уча» тѳисса махѳру. Бур цаппарасса я кѳалачѳайссар, бусурманнан муни вих хѳун кѳабучѳиссар тѳиссагу. Аммарив Мухѳаммад Идавсил ﷺ хѳадисирттава жунма кѳул хѳанай бур янил шаву мѳайжансса иш бушиву. Чѳявучин я арамурайн лачѳайссар кунугу бур.

макѳала: Мурад Абдуллаев

Хѳадисраву увкуну бур: «Ци-дунугу ххуйсса ккарксса инсаннал «Машааллагъу ля кѳуввата илля биллягъ» учирча, муниѳну янил шаврия уруччинтѳиссар». Ца чѳумал Мухѳаммад Идавс ﷺ цала шарсанил Умму Саламатлѳул кѳатлѳу унува, ганан кѳавкссар кѳяла ларгсса лажин дусса чѳивисса душ. «Ва душ янил хѳуну бур, ванин чара бакѳа дару бан аѳркинссар», – увкуссар Идавсил ﷺ. Оѳсман-асхѳаблун ﷺ ккаккан ххуйсса лажин дусса оѳрч кѳавккукун, ганай я кѳалачѳунширул увкуссар: «Ванал лунтѳубакѳрай лухѳисса ттангѳа дувара» – куну.

Цалва душнил арсру Хѳасан ва Хѳусайн янил кѳахѳуншиврул Идавсил ﷺ укунсса дуаѳ дуккаѳсса диркѳссар: «Аоѳзу бикалимати-лагъи т-гаммати мин кулли шайтѳанин ва гѳамматин ва мин кулли аѳйнин ламматин» (Бухари). Ва хѳадисрайн бувну, жунмагу хѳинссар ва дуаѳ дуккаван жулва оѳрчѳайн я кѳалачѳуншиврул.

Ибну Аѳсакирдул Аѳли-асхѳаблуя ﷺ бувсѳсса хѳадисраву увкуну бур: «Ца чѳумал Жабраил малаикнан Мухѳаммад Идавс ﷺ лѳявкѳссар хѳинну кѳума лавгун. Жабраиллѳул цѳувххуссар, ина ссал кѳума увра куну. Идавсил ﷺ бувсѳссар Хѳасан ва Хѳусайн ялавчѳун кѳашавай шанѳий



Янил кѳахѳун чѳявуну «Алѳхѳам», «Аятулѳ-Курси», «Кѳулгѳу», «Фалакѳ», «Нас» буккирча хѳинссар

бушиву. Яла Жабраиллѳул увкуссар: «Я лачѳаву – мѳайжансса задрихѳа, ина мѳий я лачѳаврия буручѳайсса мукѳуртѳийну кѳбурувчѳуссияв? – куну. Ми цумий махѳрури? – цѳувххуссар Идавсил ﷺ. «Аллагѳумма за-султѳанил аѳзими ва манил кѳадими зал-важгѳил карими валяял

калимати тгаммати ва дѳявѳатил мустѳабати аѳил Хѳасана ва Хѳусайна мин анѳусил жинни ва аѳюнѳил инси» – увкуссар Жабраиллѳул. Идавсил ﷺ вай махѳру учѳайхтту Хѳасан ва Хѳусайн лавѳай бивзун тѳуркѳу тѳун бивкѳссар, бувагу кѳашавай кѳабивкѳсса кунма. ▶▶ 3

Ва номерданий :



лаж. 4 Сумбатѳуллал Маллал Муса



лаж. 5 Макѳ личѳаву



лаж. 6 Шѳягван барз

Исламраву музѳикалул масала

Жува Аллагънал ﷻ цѳимѳилиѳну бусурман бухѳувкун, жунма аѳркинни элму лахѳлан, хѳунисса аѳлимѳурах вѳичѳи дѳихѳлан. Цанчирча, так Исламрал ххулѳий бакѳа жуѳцава ххалѳилнѳу оѳрму бутан кѳашѳайнутѳий, так диндалѳийну бакѳа жува куннан-ку кѳабувчѳайнутѳий, Исламрал ххулѳий бакѳа жунма талихѳи бакѳанутѳий.

макѳала: Кѳурбанисмяил Амиров

Дин-ислам му уку-тукунасса ххуллу бакѳар. Ислам – цинярда элмурдал бакѳшараѳири, гѳарца талихѳрал кѳуларѳи, гѳарца хѳинмунил даѳдѳихѳури. Муниѳн бувну, жунма цинѳявннанмагу хѳинни Аллагънал ﷻ кѳабучѳи бувмуниѳа махѳунмаѳ хѳуну, Аллагънал ﷻ ялув бувмургу шаллу булѳай. Муниѳн увкуссар барачат.



Исламрайн бувну ччергѳилу риѳцаву хѳалалссар

Хѳакѳину бувчѳин бан захѳматсса ца масѳала хѳанай бур музѳикалул хѳакѳиравусса. Чѳявусса инсанѳуран хѳинну ххирар музѳика, амма Исламраву му кѳабучѳи бувну бур. Му кѳабучѳишиву бусласисса чѳявусса хѳадисру ма мисаллу бур. Идавсил ﷺ увкуну бур: «Ахир замана гѳан хѳананисса чѳумал дунѳялѳий бѳикѳантѳиссар музѳикалухун багѳсса инсантал, ялагу бѳикѳантѳиссар музѳика исламрал бучѳи бувссар тѳисса инсантал».

Аллагънал ﷻ жунма ци-бунугу кѳабучѳи баву бала бакѳар, бала хѳанай бур Аллагънал кѳабучѳи бувмур жунма ххирѳа шаву. Инсан хѳхѳугу-кѳинѳигу музѳикалухун агѳну ухѳурча, ганан Аллагъ ﷻ дакѳинѳин агѳан най акѳар, шалва оѳрмугу мукун цала Зал ﷻ хѳама ивѳун гѳан най бур. Ца-цавай бѳикѳай музѳика вагѳгѳабѳистурал кѳабучѳи бувссар, му миннал фѳатѳари тѳий. ▶▶ 5

МИУЛУЛ СТУДЕНТАЛ МАШИНА БУВХУННИ

Саидбег Даитовлул цанийсса Исламрал университетраву гъарца шинал бувайссар жагъилсса хлафизтурал ва аблитурал дянивсса конкурсру. Ацъниясса шинну хъунни мукуссса конкурсру булла. Байбихъулий гай конкурсру так жулва республикалул даражалийсса бивкхурча, утти гай бачин бувну бур щалвагу Аьрасатнал даражалий. Муниву хъунмур кумаг-кабакъаву дулла ур «Киргу» тучандалул хъунма директор Узаир Даитов.

Кийцъ лавгсса университетраву гъашинугу хъунни жагъилсса хлафизтурал ва аблитурал дянивсса бяст-ччал. Шикку гуртту хъунни Ухсавнил Къавкъазнал республикардавасса, Татарстаннавасса, Москвалясса ва цаймигу квантгавасса, диндалул элму лахъхайсса идараттаву дуклакисса студенттал. Гъашинумур конкурс бия хъинну хъуйнну хладуршинна дурку сакин бувну, муниву цъявсса агъалинал гурттушиннагу дурунни.

Бяст-ччаллу най бия кира кьини, цивпагу шанна личи-личисса номинациялуву: «чак баву», «Къуръан буккаву» ва «Исламрал элмурду» тисса бутрайх дарчуну. Жюри сакин бувну бия ца дурксса аблитурая, бия дазул къатлату бивкисса хъамалгу. Конкурсрал хасиллу дурну махъ ххув хъуминнан бахшишу дулла. Хасиллу даврил тадбир турча, му тивтунна Бахрайрай Къуръан бувккуну цалчинмур клану бувгъусса Билал Аьбулхаликъовлул аятру буккаврийнну. Мунир махъ хъун бувна конкурсрай ххув хъумий. Исламрал элмурдал номинациялуву ххув хъуману хисав увуна Москвауллал



Исламрал университетрал студент Мухаммадов Шамил. Чак баврил номинациялуву цалчинмур клану бувгъуна Кочубейлисса мадрасалул мутаалим Сайпудинов Мухаммадул. Мунан буллауна 1500 доллар ва Къуръан. Кийлчинмур клану бувгъуна Махачкъалаливсса Мухаммадаъриф-афандинал цанийсса мадрасалул мутаалим Расулов Мухаммадаминнул. Ванан буллауна 800 доллар ва луттирду. Шамулчинмур клану бувгъусса Губден шяравусса Имам Ан-Нававинал цанийсса мадрасалул мутаалим Элмурзаев Мухаммадрасулун буллауна 400 доллар ва личи-личисса луттирду. Къуръан бувккуну ххувшаву ларсуна Буйнакск райондалиясса Аьбулжалилов Аьдулвагъаблул.

Ванан буллауна 3000 доллар ва Къуръан. Кийлчинмур клану бувгъуну 1000 доллар ва компьютер бувххуна Цусса Костеклиясса Зулпукъархажиев Хусманнул. Шамулчинмур клану бувгъуна Чачанал Центрой шяравасса Хатуев Юнуслул. Ванан буллауна 500 доллар ва диндалул луттирду. Исламрал элмурдал номинациялуву ххув хъусса Мухаммадов Шамилун буллауна «Фольксваген» автотранспорт. Кийлчинмур клану бувгъусса Саидбег Даитовлул цанийсса Исламрал университетрал студент Багъавудинов Мухаммадул буллауна 2000 доллар ва компьютер. Мува университетраву дуклакисса Оьмаров Байалил шамулчинмур клану бувгъуну, 1000 доллар ва компьютер бувххуна.

Тарбия

Хадисраву бувсун бур гъарца бусурманчуннай ялув цала оьрчлал хъхъичисса буржру бушиву: цалчин – лайкъсса щарсса дурцуну, цала оьрчлан ххуйссанину льякъаву, кийлчин – ганан бусурмансса ца дизаву, шамулчинмур – диндалин бувну тарбия дулаву.

Ца аькьлукарнахъ маслихат булла бивкун бур оьрч тарбия уллай та байбишин аьркинссар тийча, ганал цъувххуну бур, оьрч увну цуксса хлалли куну. Дахъра ца ножмар хъунни кусса жаваб дуллувкун, «Зу ца ножмардул члал хъуну буру му тарбия уллай байбишин», – чайва тлар.

Ва дунияллий яла талих бума – Идавсил ﷺ лахъхийн бувсса куццуй, Исламрал диндалил цалва кулпат тарбия буваймари. Оьрчру Аллагнал ﷺ жунма буллусса аманат бушиву хъама битан къабучиссар, Къиямасса кьинигу гайнахлу Заннал ﷺ хъхъичи жаваб дулун багъантиссар. Чивину унува оьрчлал дакний дурсса накъич, хъуна хъувкунгу гиккура личайссар, чарий дурсса накъич кунна, мунияту нитти-буттал буржри оьрчлан адаб лахъхийн даву. Буттал цала арсан чивинияца адаб лахъхийн къадарча, хъуна шайхтту ганал бувсса бунагьирттаву буттал гурттушиннагу диклайссар. Идавсил ﷺ хладисраву бувсун бур арамуран цалва кулпатирттахлугу жаваб дулун багъайшиву. Цамур хладисраву увкуну бур: «Гъарца инсан дахъа ниттил увсса чумал бусурманчуну иклайссар, так нитти-бутталли ганая жугьут, христиан ягу муширик хъун айсса», – куну. Мунин бувну, оьрчру тарбия бавриву яла хъунмамур бияла нитти-бутталли. Гайннал ялув бацлан аьркинссар, телевизорданул ва интернетрал хъуни буллай къакъабивтун. Чивину унува дакниву имандалул гъану бивзсса оьрчлал хасият оьккисса къашайссар.

Жула диндалин бувну, оьрчлан арулла шин шайхтту ганан чак бан лахъхийн буллан аьркинссар, ацра шинавун ивукун, чак къабитаврихлу танмих бангу ккаккан бувну буссар. Мюрщину бунува чак лахъхийн баврил цамургу мюнпат буссар. Мунил оьрчлан лахъхийн буллалиссар марцшиву дан, цанчирча, миннан лахълахъиссар хлажатханттувун лавгукун тгагъарат бан, гъантлун ххюльва кару ччанну шюшин, мудар марцисса янна лаххаван.

Оьрчлаву ххуйсса хасият-табиабт дишаврия цанма нитти-буттангу мюнпат буссар, цанчирча, Мухаммад Идавсил ﷺ увкуссар: «Инсан дунияллий лавгукун, ганал циняв аьмаллу къукъайссар, шанма личаннин: бухлагаву дакъасса садакъа (масала, ххуллу, ламу, мизит, мадраса баву, мурхъ бугъаву, цин дуцаву ва м.ц.), халкъуннан мюнпат бусса элму-килушивуртту ва ганнаха дуа дуллалисса оьрчру» – куну. Заннал ﷺ тавпикъ булуннав жулва оьрчру бусурманнан лайкъсса тарбиялий хъуни бан. Амин!

isaassalam@gmail.com

Маз къакълунансса дарсру

Islam.ru тисса сайтрай байбихъуну бур хладур дуллай къюкисса ва маз къакълунан инсантуран Исламрал гъанурду лахъхийн байсса сант дусса проект. Гъарца бусурманчуннан, къашавайсса унугу, дин лахъхъаву ялувсса зад бухъувкун, му масала къулагъас къадурну къабитан къабучиссар. Мунин бувну, мукуминнан кумаг хъунтиссар ва проектрайхчин. Му бакъасагу, ва сайтрай хасъсса видеоролику итадакъин най бур, чу къабайминнан бувчайсса мазрай таржума дурну. Мукуссса дарсру дихълан тий ур Хусен Тагъиров.

Хъаннил дянивсса конкурс

Хъаннил дянивсса Къуръан буккавил конкурс хъунни уттигъанну Йорданияву. Микку гуртту хъунни 31 хлукуматраясса бусурман хъами. Конкурсраву дия шанна номинация: Къуръандалул 10 жуз дакнийх буккаву, Къуръандалул 20 жуз дакнийх буккаву, ва щалва Къуръан дакнийх буккаву. Конкурсрал хасиллу дурну махъ ххув хъуминнан буллауна кьимат лавайсса ссайгъатру ва арцуйнуса бахшишу. Цалчинмий ххюва



клану бувгъуминнавух бия Пензенский областьраясса Нурия Бибарсовагу. 10 ва 20 жуз дакнийх буккавил конкурсраву ххув хъунни Великобританиянавасса 10

шин хъусса Марьям ва Бангладешраясса Фаригъа. Щалва Къуръан буккавил номинациялуву цалчинмур клану бувгъунни Йеменнаясса хъамитайпалул.

Учредитель

Благотворительный фонд «Путь». Газета печатается по согласованию и одобрению Духовного управления мусульман Дагестана

Редакционный совет

Председатель редакционного совета муфтий РД Ахмад-хаджи АБДУЛАЕВ
заместитель муфтия РД Махди-хаджи МУТАИЛОВ

Главный редактор

Заурбек (Абдулла) ЯИКБАЕВ

Редактор

Иса ОМАРОВ

Канонический редактор

Курамухаммад МАГОМЕДОВ

Менеджер

Абдусабир АХМЕДОВ

Дизайн, вёрстка

Мухаммад МУСАЕВ

Газета зарегистрирована Федеральной службой по надзору в сфере связи, информационных технологий и массовых коммуникаций.

Свидетельство о регистрации ПИ № ФС 77-37006 от 29 июля 2009 г.

При перепечатке ссылка обязательна. Набрано и сверстано на компьютерной базе газеты «Ассалам».

Отпечатано в ООО «Дом печати» по адресу: пр-т Акушинского, 20

Заказ №

Тираж 3150 экз.

Сдано в печать 31 мая 2013 г. в 19:00

Индекс 51388

Адрес редакции

367015, РД, г. Махачкала, ул. Аскерханова 13а. Тел.: (8722) 51-85-22.

По вопросам подписки и доставки обращаться по телефону: 914-222, 8-988-291-42-22.

E-mail: assalamlak@mail.ru

www.assalam.ru

Гьарца рухИрал ккухИнтИмур

БИВКІУ ДАКІНИН БУТАВУ

Аллагьу Таабланал дунялгу ляхъан дурну, дуняллий инсанталгу ляхъан бувну, миннаву ляхъан бавугу, литІун бавуну нани дурсса миннал хІал ккакканни. Утгарашиву ляхъан дурссар миннаву мюгІийма цумарив, аьсивма цумарив кІул хьун. БивкІугу ляхъан бувссар Къиямасса кьини бизан бувну, хъинманан хъинсса жазаб булун, оьманан оьсса жазаб булун. ЦичІав бакъа, аьбасну цичІар ляхъан къадурссар. БивкІунир инсаннан къаччисса зад бакъассар, амма мунир хъинсса задгу бакъассар. БивкІу бакъасса дунял даникьрал багъа дакъассар. Му бакъассания дуняллий халкуннаву низам къадикантиссия. Мунирвусса мюнпатру, маслихІатру, хІикматру чІяруссар. Муъминчувнал ххирашиву дусса мунир.

Инсан дуняллий цукун, ци сура трай, ци тагьарданий ухьурчагу, му ссанчІав хІисав дакъассар. ИвкІуну махъри мунал Ахират дайдирихъуну я неъматраву, я аьзабраву икІантисса. Мукун бухъувкун, гьарца аькьлу бусса инсаннай ялувссар бивкІулук къаралданий икІан, хІакьину ивчІавивав, гьунттий ивчІавивав, цІанакул ивчІавивав тІий. Нигьал ва хьулданул дянив икІан аьркинссар. Жагьилну ура, сагьну ура, ттива къаивчанссара тІий, бивкІулия иминну, мунир хІадуршин къадуллай хъаврин машарача. БивкІулун ца мяълумсса чІун, мяълумсса кьини, мяълумсса ссят дакъассар. Хъхьу личІий дакъа, кьини личІий дакъа, гьи личІий дакъа, кІи личІий дакъа хар-хавар бакъа ялун бивну, хІасратну кІиссурайн къацІ тІий личІайссар. ХІатта, къашай къавхъуна, шанийн къаагьна, шанай уна-

гума ивкІуну ляхъайссар. Хъунама личІий акъа, чІивима личІий акъа, хъинма личІий акъа, оьма личІий акъа, цанма къадар бувсса ажал би-йхту ца дакъикьалул махъун къа-агьну ивчІайссар. Инсаннай ялун бияйсса задирттаву бивкІунир къумасса мусибат бакъ-ассар. Амма мунир хъунмассар му-ния гьапулну икІаву, бивкІу дакІин къабутаву. ХІатта, хъхьу-кьинилулу кьуня ххюлва ивчІантІишиву дакІин бувтун, му ххал бигьин, му-них пикри бан ялувссар гьарманай. Амма, инсантурал чІявуминнаннив литІайний бакъа дакІинмагу къаба-гъай. Мунир гьапулну шанайнма ливчІун бур. БивкІу чІявуну дакІин бутаву



«НасихІатулъ аьвам» тІисса луттирава

Я къалачІун «машааллагь» уча

1 « Яла Идавсил ۞ увкуссар чІаравминнахъ: «Зулва оьрчІру ва хъа-ми ва дуаь дуклай буруччияра. Янил шаврия ххассал байссар цамур ва кун-насса дуаь дакъассар», – куну (Тафсир Ибну Касир). Ва дуаь дуккайсса чІумал ХІасан ва ХІусайн тІисса цІардан кІанай жула оьрчІал цІарду учайссар. Инсантурайн бакъасса, я лачІайссар хІайвантрайн ва лелуххантрайнума. Жабирдул бувсьсса хІадисраву увку-ну бур: «Янил шаву – хІакьсса задри. Мунил инсан гьаттаву, варани кІункІурдувун гьан байссар», – куну. Янил хъума хъин аншиврул дуккайс-са дуаьртту ва байсса дарманнугу буссар. Ми байссар янил хъуманангу янил увманангу. Вищава цакуну цама янил къахъуншиврул, мунал чурххал, янналул, хъуслил ххуйшиву ккак-кайтту «Машааллагь. Ля къуввата илля биллагь» ягу «Табарака Ллагьу ахІсанул-халикьин», ягу «Аллагьум-ма барик аьлайгь», «Аллагьумма барик фигь» учин аьркинссар.

Цаманал инава янил къааншиврул дурну хъинмур:

1. Идавсияту ۞ жучІанна дирсса азкар-ду, дуаьртту мудар дуклакаву;
2. ЧІявуну «АльхІам», «Аятулъ-Курси»,

«Кьулгь», «Фалакь», «Нас» буккаву;
3. Янил къахъуншиврул дуккайсса дуаь-ртту дуккаву;
4. Арамтуралгу хъаннилгу багъайсса куццуй янна лаххаву, аьврат кІучІ даву. Диндалул ккаккан бувсса куццуй янна къалаххайма цалчин бунагьравун аглагьиссар, кІилчин янил шаврил ва цаймигу азарду лахъаврил нигь дуссар;
5. Янил хъун бюхъайсса инсаннал ххуйшиву чил ярунния кІучІ даву;
6. Аьркиншиву дакъанура янил хъун бюхъайсса кІанайн къалагаву;

Цал жула Идавс ۞ янил хъусса чІумал, Жабраил малаикнал му хъин увссар укунсса дуаь дурккуну: «Бисмиллагьи юбрика ва мин кулли даин яшфика ва шарри хІасидин из хІасада ва шарри кулли зи аьйнин». Цамур хІадисраву бувсун бур Жабраил малаикнал укунсса дуаь дурккушиву: «Бисмиллагьи аркьика мин кулли шайин юзьика мин шарри кулли нафсин ав аьйни хІасидин Аллагьу яшфика бисмиллагьи аркьика» (Муслим).

Идавс ۞ янил хъусса чІумал, ганал шарссанил Аьишатлул ۞ га хъин увс-сар ганал хъазамрай кагу дирхъуну вай махъру тикрал буллай: «ИмсахІил баъ-

хъинну ххирассар. Му дакІин бувтссаксса бунагьру яла лагайссар, дуняллуя тамахІ лагайссар, тавба-лийн ччявшиву дайссар, эбадатрайн тирх учайссар. Хъхьу-кьини кьуйлва бивкІу дакІин бутайма гьазийтура-щал изан антІиссар. Му дакІин къа-багъаймарив тавбалуя гьапулссар, эбадатрая курчІилссар, дуняллул мусибат, буруккин, бала ялун багъма куна икІайссар. Къашавай акъамагума мунир гьа-пулну къаикІанссар. Амма, къашай-манал цайва Аллагьнал ۞ рахІму-цими банхъуви, аьфву банхъуви, ялтту учІанхъуви, аьзаб аькьубва къадулунхъуви тІисса умуд-хьул хъхьичІун буккан баву хъинссар цук-сса оьсса унугу, нава оьсса, аьсивсса

ияв, ттулва аьфву къабанссар, аьзаб дулунссар тІисса нигьнир. Аллагь ۞ сситтуяр цими хъхьичІун бувкма-ри. Хаснува къашайсса хІалатраву хъиннува хъхьичІун буккайссар. Укун къашавай, заэвну хъунав хъуну, оьну оьккину, къуману личІаяр ивкІуня тІий, бивкІулийн хьулгу къабишинссар. Тивугу цукунсса кІану ляхъивив къакІулссар. Хас-нува, хъинсса аьмаллу буллалисса хъинсса инсан ухьурча, ялунгу оьрмугу зиядассаксса, хъиншивурт-ту, чирирду чІяву хъунтІиссар. Мий чІярусаксса Алжаннул неъматругу зиядассар. Инсаннал алши бушивур тІааьтрайсса оьрму лахъишиву. Ягу хъинсса къаикІарча, къумасса хІалгу бухъурча: «Я Раббий на ивчІавриву хъинбала, маслихІат бухъурча ивчІан ува на Аллагь! Уттавашив-руву хъинбала бухъурча уттавану ити Аллагь», – чинссар. Хъиннува дин дан къахъанай, оьсса, пасатсса, патратсса замана бухъурчарив, му чІумал имандалийсса бивкІу була чин бучІиссар. Инсаннал ажал кІива куццуйс-са буссар. Ца, ляхъуну махъ ивчІаннинсса, цагу ивкІуну махъ изан аннинсса. Инсан салихІсса, силатул рахІму бусса ухьурча, ивкІуну махъсса ажалданияту лав-сун ивчІаннинмур зияда байссар. Оьсса, аьсивсса, рахІму-цими бакъ-асса ухьурча, хъхьичІумуния лавсун махъмур зияда байссар. ХІатта, си-латул рахІму бусса инсаннал оьрму азалданува шанма гьантта чивчуну бухъурча, зувира шин зияда дайссар. Силатул рахІму бакъаналсса, зувира шин духьурча, шанма гьантлийн бутайссар.



са рабба н-наси биядика ш-шифау ля кашифа лягьу илла анта». Вийва я лавчІсса хІисав хьурча бувну хъинмур:

1. Вила пикирлий инава янил увна-махъ гьуслу бува, чурх шюша учаву. ХІадисраву увкуну бур: «Цаманал вихьва чурх шюша учирча, рязи хьу» – куну.
2. КІай ялув чирчусса дуаьртту дуккаву;
3. ЧІявуну «Фалакь» ва «Нас» буккаву. Вилва оьрчІай ягу хъусливу я лачІун

бюхъайсса зад чІалай духьурча, «Фалакь» ва «Нас» сурадугу бувккуну, ва дуаь дайссар: «Аллагьумма барик лагьу ва ла тазуррагьу. Машааллагьу ля къуввата илля биллагь». Янил къахъун «пу-пу» тІун аьркиншивугу дакъассар. МухІаммад Идавсил ۞ хІадисраву увкуну бур: «Янил шаву – мийжанссар. Аллагьнал чичрулуяр хъхьичІун дук-кайсса зад диркІссания, му янил шаву дикІанссия», – куну.

Сумбатуллал Маллал Муса

Сумбатуллал шяраву ивкун ур Муса тисса аълимчу. Муса увну ур 1887 шинал Сумбатлив Пардайхъал тухумравасса Маллал кулпатраву. Бутгал хъунмасса хларачат бувну бур арсна дуркусса аълимчу ан. Муса дуклай ивкун ур Гъумучиял мадрасалу. Гикку лархъуну дур диндалул дакъасса цаймигу элмурду – астрономия, география, математика.

Цала дуккаву къуртал дайхту, га зана хъуну ур шяравун. Чал къавхъуну бувну бур кулпат. 1924-ку шинал 1928-ку шинал иянин Муса зий ивкун ур къадийну Гунчукъатрал шяраву. Ганал къадийшиву дуллалисса чумал халкъуннал дянив нахлушиву ва низам цаъкъ хъуну дур. Муса хъинну тйайласса, марцисса, савур дусса аълимчу ивкун ур. Гъунар бусса аълимчунал ххаллилсса шеърдугу чичайсса бивкун бур. Ганал чивчусса шеърдугу машгурсса аълимчу Абачара Хусайнаевлчлангу бивссар, учай. 1928 шинал ссатчав тахсир бакъасса Муса увгуну ур. Мукуцалва гъантлий Гъумучиял дуснакъраву ивкун, га махъуну зана хъуну ур шавай. Га



Сумбатуллал шар

диркун дур хъинну ккашилсса ва захматсса чун. Кулпат хъунмасса бухъувкун, ганал пикри бувну бур халтилухун гъан. Муса зун ивкун ур Дарбантлив муххал ххуллуд зузалану. Кусса даву дуллаи вардиш акъасса Муса хъинну къашай хъуну, махъуну ачин багъну бур.

1930 шинал Муса цала дуснашл килчингу лавгун ур халтилухун Туркманнал Ашхабад тисса шагъуллийн. Гикку гай зий бивкун бур къалайчиталну. Амма гъарца кланттай байбивхъуну бур диндалул аълимтал бугълагъисса репрессиялул замана. Му шатлухъун иривну ур Мусагу. Гичча га гъан увну

ур Анжиллал дуснакъравун. Шикку дуснакъраву ганал дурну дур шанна шин. Муса увгусса хавар баяйхту, ганал гъанминнал ганал диндалул луттирдал ацни кива дарваг ччувчуну бур, ливчмий неххавун бивчуну бур. Цуксса цахунма бахчилай бунугу, Мусал гъич къакъариртун дур дин ва чак. Гичча дуснакъраву га гъан увну ур ялагу ххюра шинайсса ссивирлив. Цуксса цайва къия дуллаи бунугу, га цукунчав диндали махъуну къавхъуну ур. Къашавайсса Мусал чурххал дуснакъраву буллалисса зулмурду, ккаши бухлан къавхъуну, 1935-ку шинал наклу хъуну ур. Кулпатрангу баян къабувну, га гилува увчуну ур. Муса ивкуну куну хъуну бур махъминнал ганал дуснайхчин. Амма аълимчуннал гъав дусса кланувагу куну бан буюхъуну бакъар. Лас ивкуну хавар бухлан къавхъуну Мусал кулпатгу хъиривва бивкуну бур, махъ мукъва оърчгу ливчун. 1989-ку шинал Муса реабилитациялувун увтун, тахсир бакъанува репрессияртахъун иривману хисав увну ур.

Айшат Хажиевал «Лакрал шайхтал, валийтал, аълимтал» тисса луттирава

Даки марци дува!

Омар-асхлалул бувсасса хладисраву увкуну бур: «Жу буссияв Русулулагънашл шябивкун. Му чумал жучлан увххуна цан инсан, хъинну ххуйсса яннардавухсса ва хъинну ххуйсса лажин дусса. Жуватусса шинчав га килусса акъая, амма ганай сапарданул асаргу чалай бакъая. Га инсан Идавсил хъхъичи шяивкунуна, цала никру ганал никирттайн шун дурну ва цала кару Идавсил ликкурттай дирхъуну.

макъала: Камил Жабиров

Ганал увкуна: «Я Мухаммад, буси тухъ Имандали» – куну. Идавсил увкуна: «Аллагнайн Иман дишаву, малаиктурайн Иман дишаву, Луттирдайн Иман дишаву, Идавстурайн Иман дишаву, Къямасса Къинилийн Иман дишаву, Къадарданийн Иман дишаву». «Ина тйайлану бувсунни» – увкуна га адиминал. Яла ганал увкуна: «Буси тухъ Исламрая». Расулулагънал увкуна «Шагдат дутаву, чак баву, закят бичаву, зума дугъаву, буюхълай бухъурча хлаж баву». «Тайлассар» – увкуна ганал. Ялагу увкуна: «Буси тухъ Ихсандали», – увкуна. Расулулагънал жаваб дуллауна: «Ихсан учайссар, дакнихтуну эбадат даврин вина Аллагъ чалай усса куну, вин Аллагъ чалай акъанугу, хлакьну Аллагнайн ина мудан чалачиссара». («Арбаин-ан-Навави»). Ва хладисрайнун жунма бувчлай бур ихсан – диндалул шамулчинмур тарци душиву. Цамур куцуй учин, ихсан учайссар – жуна Аллагъ чалай усса куну дакнихтуну эбадат даву, чалай акъанугу, гъарца жува буллалимур ва тугимур Заннан чалай бушиву хъама къабивтун. Гъарца муъмичуннал кунулла Аллагнайн гъарзат чалай душиву, баллай бушиву, аммарив, ца-ца чумал, цучав акъасса кланай жува пама инсаннал хъхъичи къадайсса туглу дуллан бикъару. Жулва

бакъравун пикри буххай, му туг инсаннал хъхъичи дурссания, хъинну нач хъунсая тисса. Амма жува Аллагнайн нач къадурну, Заннал аъабра нигъа къабувсун, инсантурая ва инсантурал мазрая нигъа бусара. Ихсан хъанахъиссар Исламрал рухнугу, къюкнугу, оърмунугу. Ихсандалул иман ва Ислам камил дайссар. Инсан ухъурча Исламрал гъарца фарзру биттур буллаи: чак, закят, хлаж ва цаймигу, ихсан дакъа дурсса эбадатраву рияъ шаврил нигъ дуссар. Цамур куцуй учин, дуллалисса эбадат Аллагнахлуну

Ихсандалул даражалийн ияншиврул инсаннал аъркинни хъхъичва-хъхъичи цала дакнивусса чапалсса хасия-тирттая марци хъун. Хлакьсса шайх акъасса инсаннаца ми хасиятру цалла къюкливу хисав хъуну, минния марци хъун къабуюхайссар. Мунияту, гъарца инсаннал куну биклан аъркинссар, марцину эбадат дуллан хъуншиврул мунал уттавацца устаз иклан аъркиншиву, цувагу му ххулийх лавгсса ва му ххулийсса циняр захматшивуртту цала муриднан ккаккан дан буюхайсса. Мухаммад Идавсил увкуссар:



дансса марцисса нийят дакъахъурча, ккаккиятун дуллан буюхайссар. Мукуна имандалува ихсан дакъахъурча, инсан мунафикъшиврувун агъан буюхай, мазрах тугимур къюкливу ва дакниву бакъанутий. Ихсан дума цавалу унугу, инсантураву унугу, мудан Аллагнайнайн мютийну иклайссар, мютийшиву дакъа дурсса эбадатрая мюнпаат къабиклайнутий. Цукунни инсан мукуна ихсан дусса даражалийн иян? Буссарив мунийн жува биян байсса ххулурду?

«Къямасса Къини гъарцаннахъ цуххинтиссар цалва чурх ва рухл зарал бумунища буруччаврия». Мунияту, инсаннал цалчинсса бурж – чурх ва рухл цуллуну ядан. Му цукун ядайссарив лахъхъин баншиврул Аллагу Таьланал халкъунначлан 124 азара идавс гъан увссар, Адам идавсия байбивхъуну Мухаммадлуин бияннин. Инсан ивкуну, ганал чурх аърцараву аьвну бухлаглай бур, рухмур абадлий личайссар, мури Къямасса къини Аллагнайн хъхъичи дацантисса. Мунил

марцишивруйнур инсаннал ахиратраву хла хласул хъунтисса. Бунугу чйаву хъанахъиссаксса, инсаннал къюкли лухи лаглай, рухлрал цуцавуртту гуж хъанай, марци, дакнихтуну эбадат дан дахчилан диклайссар. Яла нигъачийсса ва хъин дан захматсса рухлрал цуцавуртту хъанахъиссар гъибат, бугътан, пахру, дак хъуншиву, хусудшиву, мяшшиву, нифакъ, рияъ, ва цаймигу. Идавсил хладисраву бувсун бур, инсаннал аьмал цалчинмур ссавнияр лавай гъаз къашайшиву, ми дакнихтуну, Ихсандали, Аллагнайн цаний бувсса бакъахъурча. Вай цуцавурттал инсаннал хъинсса аьмаллу ччуччин байссар, Къямасса къини цичлав дакъа личлан буюхайссар. Утти цури бан аъркинса? Мий цуцавуртту цукунни хъин дантисса? Буюхайссарив муъмичувнаца цащара мий цуцавурттая хъин хъун? Тававуф, суфизм, ягу тарикъат – учайссар инсаннал даки вай ларай кичи ларгсса къашайшивурттая хъин дан кумаг байсса Исламраву элмулийн. Мий хъин дайсса духтуртурайн устазтал, шайхтал, муридтал учайссар. Миннава цалчинмагу жула Мухаммад Идавс ивкиссар. Ганал увкуссар: «На ва дунялийн тйайла увссара халкъуннал хасият, тлабият дакни дан». Къямасса Къини дучаннингу Аллагнайн валийтурал – шайхтурал силсила дачинтиссар. Машгурсса шайх, тарикъатрал имам Ахмед Фаруклул (Имам Раббани) увкуссар: «Накъшубанди тарикъатрал махъа-махъсса устаз – Къямасса къини гъан хъувкун уккантисса имам Магъди иккантиссар» – куну. Хъунасса аълимчун имам Ибн Хажар аль-Гъайтами чичлай ур, ихсан так тасавуфраву душиву. Цамур куцуй учин, тарикъатрали инсан ихсандалул даражалийн иян айсса.

Шяъван барз

Шяъван барз хъинну ххирасса, даража хъунмасса барзри. Муниву ца кьини зума дургьуну цума ухьурчагу, мунал чурх дуржагьрал цIаран хIарам байссар. Алжаннаву Юсуп идавсил и гьалмахчунугу икIайссар. Ажуб идавсин и ва Давуд идавсинуксса и чиригу булайссар. Гьаттал цIаншивугу яла гьан дайссар. Мункар-Накирнал ццаханнараятугу ххассал шайссар. Къиямасса Къини мунал аьвратту чIалан къадикIайссайр. Му зурул, хъхьичIра-хъхьичIсса цIузурул хъхьуну, ацIния кIира ракааьт ссунат-чаклил дарча, альхIам бувккуну махъ гьарца ракааьтраву ххю-ххюва къулгьугу буклай, ацIния кIиазара шагьиднануксса чире буссар, ацIния кIира шинай эбадат дурсаксса чиригу чичайссар, ниттил лякьлуд увсса кьини куна бунагьрая марцI шайссар. Муниа тихунмай мийцIалва гьантлий мунал хатIагу къачичайссар.

Бараатрал хъхьунил

ххирашиву

Шяъван зурул ацIния шамулку хъхьуну, Жабраил малаик ливкссар МухIаммадлучIан ﷺ, Аллагьнал ﷻ амрулийну, шанунятугу изан увну. «Гьархъхьуну ххирасса хъхьур, вилва мурад чIа уча Аллагьнахъ ﷻ», увкусар. Яла МухIаммад ﷺ ивзун дуаь дурссар, умматиннал аьпа ба куну. Яла Аллагьу Тааьлал Жабраил гьан увссар, «Вил умматиннал шанма бутIул ца бутIа вин уква буллуссар», – куну. МухIаммад ﷻ аьтIун ивкIссар, – «Махъминнан ци бувссар» тий. Мунил хъиривмур ацIния мукьилчинмур хъхьунугу ливккун Жабраиллуд () увкусар Идавсихъ ﷻ, – «Гьархъхьунугу ххирасса хъхьур дуаьлухъхьун, жаваб дулайсса. Ивзун вила мурад чIа уча Аллагьнахъ ﷻ» – куну. Ивзун МухIаммад ﷻ дуаь дурну, му хъхьунугу цала уммат чIа куусар. Ялагу ливккун Жабраиллуд, – «Вила умматиннал шанма бутIул кIива вин уква буллуссар тий ур вила Аллагь ﷻ», – куусар. МухIаммад ﷻ ялагу аьтIун ивкIссар, махъминнан цивхъуссар тий. Мунил хъиривмур ацIния ххюкусса Бараатрал хъхьунугу Жабраил ливккун: «Я МухIаммад ﷻ, ва ххирасса хъхьури, вила мурад чIа уча», куусар. Яла увкусар: «Я МухIаммад ﷻ, ххаришиву, вила циняв уммат винма уква буллунни Аллагьнал ﷻ, цайн ширк бивхъума акъасса», куну. Яла



МухIаммад ﷻ ссавруннайн урувгун, арулвагу ссавнил хьулурду тIивтIуну, ссавруннайсса циняв малаиктал суждалийин багьну ххал хууссар, МухIаммадлуд ﷻ умматиннал аьпа ба тий. Гьарца арулвагу хьулийгу малаиктал ккавкссар, гьархъхьуну эбадат дурманансса хъинбаларду бувманансса даражарду, чирирду тий оввтIий. Яла Идавсугу ﷻ ххари хьуну, муниар махъ гьарца шинал му хъхьу утгара дуллай ивкIссар.

Бараатрал хъхьуну дурну хъинмур

Му хъхьуну гьарца ссавнил хьулурду тIитIайссар. Шантуршва рахIматрал хьулу тIитIайссар. Алжанну чIюлу байссар. Малаиктурал байранни. Му хъхьуну Аллагьу Тааьала халкьуннайн аьлтту увккун, сси бизаврил, гуж баврил сипатрая, рязий шаврил, рахIму баврил ссипатрайн аххана хьуну халкьуннай рахIму бувну, рахIат бувну, цинявннал аьпа байссар. Цайнма ширк бивхъуманалгу, ссикIир байманалгу, чяхир хIачIайманалгу, зунарун агьманалгу, нитти-буттан аькьуба дулайманалгу, риба ласайманалгу, ламамшиву дайманалгу, силатул рахIму (мачча-гьанминнашал дакьаву) бакъаманалгу бакъасса. Минналсарив, тавба къадурну аьпа къабайссар. Му хъхьуну, гьарцаннал му шинаву бувсса

аьмал ссаврунайн лахъайссар. Гьарцаннал ризкьи, ажаллу къадар байссар. Заннан ﷻ ччан бивкIманалсса кунналсса ажаллу махъун бувтун, кунналсса хъхьичIун буккан бувну насху байссар. Му хъхьугу утгара дурну, му кьинигу зума дугьаврил даража хъунмассар, хIатта, му кьини гьарца жиндардил, лелуххалтрал, урттилсриннул, хъхьиривусса хIаврал зума дугьайссар. Му хъхьуну ацIния кIира ракааьт чаклил дарча, гьарца ракааьтрай аьлхIам бувккуну махъ ацIния цалва къулгьугу буклай, мунал гьарца оьшивугу яла гьан дайссар, оьрмугу зияда байссар. Ялагу му хъхьуну бан хъинсса зад – ца мажлисрай шя бивкIун шамийлва «Ясин» буккинссар. Му бувккутари, мунил хъирив алхIамгу бувккуну, ссалаватугу дуртун, Илагьи биттажаллил аьълами... тIисса, му хъхьуну дуккайсса дуаьгу дуккинссар. Му хъхьуну шам шамийлва ми бувккуну, шамилла му дуаьгу дуккинссар. ХъхьичIва-хъхьичI ми буккайний дин-тааьт дайсса оьмру зияда баннав куну, нийят данссар. КIилчин буккайний, ризкьи гьарта баннав куну данссар. Шамилчин буккайний, къачысса зад арх баннав, инсантурайн хIажат къааннав куну данссар. Мий буккайний гьарца чIумал цалла дуаьлухъхьун жаваб дулунссар тIи дакI дарцIуну икIанссар.

«ГьунчIукьатIан» тIисса луттирава

Бараатрал хъхьуну Ясинналул хъирив дуккайсса дуаь

Бисмиллагьи-р-рахIмани-р-рахIим Аллагьумма я заль-манни ва ля юманну аьлайгьи, я заль-жалали валь-икрами, я за-тIтIавли валь-ингьами ля илагьа илля анта загьра-ллажжина ва жарал мустажирина ва аманаль-хаифина. Аллагьумма ин кунта катабтани эндака фи уммиль-китаби шакийян, ав махIрумман, ав матIрудан, ав мукьтарран аьлайгьи фи-р-ризкьи фамхIу Аллагьумма бифадзлика шакъаватий, ва хIирманий, ва тIардий, ва икьтара ризкий, ва асбитний эндака фи уммиль-китаби саэдан, марзукьан, муваффакъан лилхайрати, фаиннака къулта ва къавлукаль-хIакъу фи китабикаль-мунзали аьла лисани набиййикаль мурсали: «ЯмхIуЛлагьу ма яшау, ва юсбиту, ва эндагьу уммуль-китаби(и)». Илагьий биттажаллийль аьъами фи лайлати-ннисфи мин шаьбаниль-мукаррами ллатий юфракъу фиъга куллу амрин хIаким, ва юбраму ан такшифа аьнни миналь балаи ма аьламу, ва ма ла аьламу, ва ма анта бигьи аьламу, иннака анталь-ааьзуль-акраму. Ва саллаЛлагьу аьла саййидина МухIаммадин ва алигьи ва сахIибгьи ва саллам.

بِسْمِ اللَّهِ الرَّحْمَنِ الرَّحِيمِ . اللَّهُمَّ يَا ذَا الْمَنِّ وَ لَا يَمُنُّ عَلَيْهِ يَا ذَا الْجَلَالِ وَ الْإِكْرَامِ يَا ذَا الطُّوْلِ وَ الْإِنْعَامِ لَا إِلَهَ إِلَّا أَنْتَ ظَهَرَ الْأَجِينَ وَ جَارَ الْمُسْتَجْرِينَ وَ أَمَانَ الْخَائِفِينَ . اللَّهُمَّ إِنْ كُنْتَ كَتَبْتَنِي « كَتَبْتَنَا » عِنْدَكَ فِي أُمَّ الْكِتَابِ شَقِيًّا « أَشَقِيًّا » أَوْ مَحْرُومًا « مَحْرُومِينَ » أَوْ مَطْرُودًا « مَطْرُودِينَ » أَوْ مُقْتَرًا عَلَيَّ « عَلَيْنَا » فِي الرِّزْقِ فَامْحُ . اللَّهُمَّ بَفَضْلِكَ شَقَاوَتِي « شَقَاوَتَنَا » وَ حِرْمَانِي « حِرْمَانَنَا » وَ طَرْدِي « طَرْدَنَا » وَ اقْتَارَ رِزْقِي « رِزْقَنَا » وَ أَثْبِتْنِي « أَثْبِتْنَا » عِنْدَكَ فِي أُمَّ الْكِتَابِ سَعِيدًا « سَعْدَاءَ » مَرْزُوقًا « مَرْزُوقِينَ » مُوقَفًا « مُوقَفِينَ » لِلْخَيْرَاتِ فَإِنَّكَ قُلْتَ وَ قَوْلُكَ الْحَقُّ فِي كِتَابِكَ الْمُنْتَزَلِ عَلَيَّ لِسَانَ نَبِيِّكَ الْمُرْسَلِ بِمَحْوِ اللَّهِ مَا يَشَاءُ وَ يَشِئْتُ وَ عِنْدَهُ أُمَّ الْكِتَابِ . إِلَهِي « إِلَهَنَا » بِالتَّجَلِّيِ الْأَعْظَمِ فِي لَيْلَةِ النَّصْفِ مِنْ شَعْبَانَ الْمُكَرَّمِ الَّتِي يُفَرِّقُ فِيهَا كُلَّ أَمْرٍ حَكِيمٍ وَ يُبَيِّرُ أَنْ تَكْشَفَ عَنِّي « عَنَّا » مِنَ الْبَلَاءِ مَا أَعْلَمُ « نَعْلَمُ » وَ مَا لَا أَعْلَمُ « نَعْلَمُ » وَ مَا أَنْتَ بِهِ أَعْلَمُ إِنَّكَ أَنْتَ الْأَعَزُّ الْأَكْرَمُ . وَ صَلَّى اللَّهُ عَلَيَّ سَيِّدِنَا مُحَمَّدٍ وَ آلِهِ وَ صَحْبِهِ وَ سَلَّمَ

Идавсил ﷻ аманатру

Жунма кIулли цIанасса заманнай цаппара Идавсил ﷻ хIадисиртаву ва Кьурьандалул аятиртаву бувсмунил хъирив наука дахьва лаллай бушиву.

МухIаммад Идавс ﷻ Мадиналив изаннин гикку диркIссар гужсса азар хьуну чIявусса халкь литIлай. Гьижра бувну махъ гиккун увкIсса Идавсин ﷻ хIисав хъуссар Мадиналул аьрщарай хъинну чIярусса кIунцIуллив (болото) душиву. Мунал бувчIуссар гьарца шинал туршахьул инсан оьрмулуца уллалисса азарданул сававгу ми кIунцIуллив ва миннул цIанийсса атилшиву душиву. Муниар махъ, Идавсил ﷻ амрулийну Мадиналив 30000 чассаграл мурхъ бувгьуссар, аьрщараву хъатру чан даншиврул. Идавсил ﷻ бувсса аманатру биттур булларча, жувагу къашай кахъанантIиссару, иншааллагь. Дукия дукаврил хIакъираву увкуну бур:

- Лахъи ларгсса дукра мадукари.
- Хъиннура кIирисса ягу хъиннура дяркъусса дукра мадукари.
- Анавар къабувккун, ххуйну ккюрхIуну дукияра.
- Дукра дуканнингу дуркуну махъгу кару шюшияра.
- Буччиннин, хъинну лякъа дуцIиннин дукра мадукари.
- Дукра канакисса чIумал чIярусса шин махIачIари.
- КIинттул кIусса, аьгьусса дукра дукияра, гьинттул – кукулсса, ахъулсса, ахънилсса хIаласса дукияра.
- Гуж бучIан баншиврул къюмай тIутIи, чассаг, зайтун мурхьирал ахъулсса (оливки) дукияра.
- Гуж багьсса, хъинну бувхсса чIумал нацIушиву дукияра.
- Дукра дукан ягу шин хIачIан хъя кусса, гьаргьсса тIахIни ишла мадувари.
- Бюхъавай мудар ца-ца дукра мадукавани.
- Дукра дуркуну махъ Аллагьнайн ﷻ щукругу бувну дуаь дуvara.
- Чурх бигьалаганшиврул, зуруй ца кьинирагу зума дугьияра.
- НицI дулукияра, му азарда цIуцIаврил даруври.
- Ххуйну пикри барча, вай аманатиртаву куртIсса мяьна душиву чIалай бур, цанчирча, цIанасса чIумал медициналулгу кIай кIицI ларгсса задру хъинсса душиву тастикъ буллай бунутий.

«Нурул-Ислам» кказитрава

Институт теологии и международных отношений

УВАЖАЕМЫЕ АБИТУРИЕНТЫ!

Институт теологии и международных отношений (ИТиМО) был основан в 2004 году в качестве Института теологии и религиоведения как инновационное образовательное учреждение высшего профессионального образования. На сегодняшний день мы осуществляем многоуровневую подготовку по нескольким направлениям бакалавриата и магистратуры высшего профессионального образования на договорной основе. Нашими специалистами разработаны образовательные и воспитательные программы и курсы, с учётом особенностей региона и уровня знаний выпускников сегодняшних школ. Особое внимание уделяется воспитанию у студентов духовно-нравственных качеств, культуры поведения в обществе, патриотизму, труду, творческой работе в их профессиональной деятельности. Особенностью вуза является получение студентами, независимо от направлений подготовки, дополнительных научных знаний об исламской религии, что позволяет выпустить специалистов с высоким уровнем светского и духовного образования. Помимо обычной профессиональной подготовки созданы условия для приобретения дополнительных профессий: дизайн, моделирование, кулинария, строительные работы и т.д. Студенты, отличившиеся хорошим поведением и успеваемостью, направляются на стажировку в зарубежные научно-образовательные центры.

МЫ ПРИНИМАЕМ:

- лиц, имеющих высшее образование, – на основании собеседования;
- лиц, имеющих среднее профессиональное образование, в случае соответствия профилям подготовки, а также лиц, окончивших образовательное учреждение до 01.01.2009 г., – на основании вступительных испытаний, проводимых вузом;
- всех остальных категорий граждан – на основании результатов ЕГЭ.

ФАКУЛЬТЕТ ТЕОЛОГИИ

033400.62 «ТЕОЛОГИЯ»

Квалификация: бакалавр теологии
Профиль: Исламская теология
Срок обучения: очно – 4 года, заочное отделение только для лиц, имеющих базовое исламское образование – 3 года.
Перечень вступительных испытаний: русский язык, история, обществознание.

033400.68 «ТЕОЛОГИЯ»

Квалификация: магистр теологии
Профиль: Исламская теология
Срок обучения: 2 года (принимаются лица с высшим гуманитарным образованием)
Перечень вступительных испытаний: теология
Перспективы выпускника: работа в образовательных учреждениях различного уровня, научно-исследовательских и госучреждениях, органах безопасности, религиозных организациях, структурах по паломничеству и др.

ФАКУЛЬТЕТ ЛИНГВИСТИКИ И ЖУРНАЛИСТИКИ

035700.62 «ЛИНГВИСТИКА»

Квалификация: бакалавр лингвистики
Профиль: Методика преподавания иностранных языков (арабский, английский)
Срок обучения: очно – 4 года
Перечень вступительных испытаний: русский язык, иностранный язык, история
Перспективы выпускника: работа в образовательных учреждениях различного



уровня, научно-исследовательских и госучреждениях, международных организациях в качестве переводчиков и др.

031300.62 «ЖУРНАЛИСТИКА»

Квалификация: бакалавр журналистики
Профиль: Журналистика
Срок обучения: очно – 4 года, заочно – 5 лет
Перечень вступительных испытаний: русский язык, литература, иностранный язык
Перспективы выпускника: работа в средствах массовой информации, газетах, журналах, телевидении и радио, исламских СМИ и др.

ФАКУЛЬТЕТ ЭКОНОМИКИ И МЕЖДУНАРОДНЫХ ОТНОШЕНИЙ

080100.62 «ЭКОНОМИКА»

Квалификация: бакалавр экономики
Профиль: Бухгалтерский учет, анализ и аудит
Срок обучения: очно – 4 года, заочно – 5 лет

Перечень вступительных испытаний: русский язык, математика, обществознание
Перспективы выпускника: работа в учетно-аналитической, аудиторской, административно-управленческой, внешнеэкономической сферах и др.

080500.62 «БИЗНЕС-ИНФОРМАТИКА»

Квалификация: бакалавр бизнес-информатики
Профиль: Электронный бизнес
Срок обучения: очно – 4 года
Перечень вступительных испытаний: русский язык, математика, обществознание
Перспективы выпускника: работа в сфере бизнеса и финансов с применением инфо-коммуникационных технологий, маркетинга, логистики, в исследовательских учреждениях по бизнесу и информатике, менеджменту, экономике, специалистами и руководителями ИТ-департаментов компаний потребителей или поставщиков ИТ-услуг и др.

035300.62 «ИСКУССТВА И ГУМАНИТАРНЫЕ НАУКИ»

Квалификация: бакалавр искусств и

гуманитарных наук

Профиль: Международные отношения, политические науки и права человека
Срок обучения: очно – 4 года, заочно – 5 лет
Перечень вступительных испытаний: русский язык, история, иностранный язык
Перспективы выпускника: Работа в области международных отношений, политических наук и прав человека, межкультурных коммуникаций и бизнеса, в структурах геополитики, процессов глобализации, а также в преподавательской, культурно-просветительской и творческой сферах, в исследовании общественных и культурных явлений, в анализе развития искусства в современном обществе.

ЦЕНТР ДОВУЗОВСКОЙ ПОДГОТОВКИ (ЦДП)

Для оказания помощи абитуриентам в подготовке к традиционным формам вступительных испытаний и к сдаче Единого государственного экзамена (ЕГЭ) при нашем институте функционирует Центр довузовской подготовки.

Не все выпускники школ имеют уровень знаний, достаточный для поступления в вуз, т.е. они нуждаются в дополнительной подготовке. Такую подготовку, учитывающую минимальные требования для поступления не только в наш вуз, но и в любой другой, выпускники школ могут получить на подготовительных курсах Центра довузовской подготовки (ЦДП).

В ИТиМО готовят абитуриентов по профильным предметам всех направлений подготовки института.

Наша задача – повышение уровня общеобразовательной подготовки поступающих в высшие учебные заведения, а также знакомство абитуриентов с институтскими программами и условиями приема в ИТиМО. Обучение на подготовительных курсах осуществляется на договорной основе. Стоимость обучения устанавливается в зависимости от количества изучаемых дисциплин и сроков обучения на основании сметы расходов.

На курсах работают высококвалифицированные преподаватели института и образовательных учреждений. Подготовительные

курсы призваны систематизировать знания, накопленные за годы учебы в школе, углубить изучение наиболее сложных тем, знакомить со специальностями и специализациями вуза, обеспечить психологическую готовность к вступительным испытаниям. Занятия на курсах проводятся по следующим дисциплинам: русский язык, математика, обществознание, история России, английский язык, литература, основы теологических знаний (для факультета теологии). Слушателям подготовительных курсов предоставляется возможность выбора одного или нескольких дисциплин из перечисленных выше.

УСЛОВИЯ ПРИЁМА НА ПОДКУРСЫ:

На подготовительные курсы зачисляются лица, имеющие:

- аттестат о среднем (полном) общем образовании (11 классов), обучение до 5 месяцев;
- аттестат об основном общем образовании (9 классов), обучение до 2-х лет;
- учащиеся выпускных классов школ.

Зачисление производится на основании личного заявления и квитанции об оплате стоимости обучения.

Информацию по вопросам, связанным с работой подготовительных курсов ЦДП ИТиМО, можно получить по адресу: г. Махачкала, ул. А. Султана, 10-й км., 3-й этаж, каб. № 320. Тел.: 9828 677-01-56.

НЕОБХОДИМЫЕ ДОКУМЕНТЫ:

- Документ об образовании или его нотариально заверенная копия;
- Свидетельство ЕГЭ или его нотариально заверенная копия;
- Паспорт;
- Цветное фото (3x4) – 8 штук;
- Медицинская справка по форме № 086/у.

ПРИЕМ ДОКУМЕНТОВ с 10 ИЮНЯ по 30 АВГУСТА

ВРЕМЯ ПРИЕМА:

ПН – ПТ: 10.00 – 18.00
СБ, ВС: 10.00 – 15.00

Дакъа хьумур лякъиншиврул дуккайсса дуаь дикъайссарив?

Къуръанналувусса гьарца суралул, гьарца аятрал куртгисса мяна ва асар буссар. Абу Къяблуд бусун бур Мухаммад Идавсил ﷺ увкушиву: «Баргъ гъаз хъанахъисса чумал ва баргъ лаглагисса чумал арилва сура «Аз-зухла» бувкуманан дакъа хьумур лякъинтгиссар ва ганачату шилчлав цичлав къдацитгиссар». Укун чивчуну бур «Хавасул-Къуръан» тгисса луттираву. Мукунма, Имам Гъазалинал луттиравугу чивчуну бур хъхъичва салихисса муъминтурал ци-дунугу дакъа хъусса чумал сура «Аз-зухла» бувкуну, дакъа хьумур лякъайсса диркшиву. Ци-дунугу дакъа хьуманал нюжмар къини зухла чаклил мяйра ракаатгу дурну яла арилва сура «Аз-зухла» буккирча, Аллагнал ﷻ мунал дакъа хьумур зана дантгиссар кунугу бур.

Бусурман акъама цукун уччин аьркинссар?

Бусурманнал дянив ялапар хъанахъисса бусурман акъама ивккун, му чара бакъа суругу бивхъуну аьрцараву уччин аьркинссар. Мунах жаназалул чакгу къабайссар, бусурманнал хлатталливу къауччайссар.

Жамятрай чак буллалиманан имамнал хьирив бан куну ният дан хъама битарча, ва мукунма, имамну авцуманан имамшиву дан куну ният дан хъама битарча ци бан аьркинссар?

Имамнал хьирив чак буллалиманан ният дуллалисса чумал имамнал хьирив ягу жамятрай бан куну ният дан аьркинссар. Чак бахлахисса чумал мукун ният дурну дакъахъурча, рукуьрайн иянин дакниву ният дан аьркинссар, мукун дарча, чак имамнал хьирив буссаннун ккалгиссар, амма жамят-чаклил чире къачичайссар. Муният, шаллуну жамят-чаклил чире хьуншиврул, чаклива увккун, цунил тйайлану ният дан бучгиссар. Имамшиврул ният даву имамнан жамят-чак дузал шаврил шартну къахъанахъиссар. Мукунма ният даву имамнан суннатсар, цанмагу жамятрал чире чичиншиврул. Мунал ният къадарчагу, хьирив чак буллалиманан жамят хисавсар, миннан мунихлу чиригу шайссар, так цува имамнан жамятрал чире къашайссар. Амма мунал дакни дагъайхтту дакниву имамшиврул ният дарча, муният тухунмай ганан жамятрал чире шайссар. Муният, имамну авцуманан имамшиврул ният дан хъама битарчагу, цунил чак бахтиншиврул чаклива уккан аьркиншиву дакъассар.

Бучгиссарив дарувран клуцалу ишла дан?

Шариатрайн буну, клуцалу нажасну ккалли дайссар, муният, бусурмансса, аьдилсса духтурнал клуцалу дакъа цамур дару бакъассар учирча, му ишла дан бучгиссар.

Лакъхьин буллалисса муълим акъанува Къуръан буккин бучгиссарив?

Къуръан буккавил низам, тажвид-махраж клулну духъурча буккин бучгиссар, амма муълимнал лакъхьин буллай буккаву хьинссар, бара-чатсар.

Ттул итгацантгай татуаж дур. На дуллалисса чаклин биссаву къахисавсарив?

Татуаж даву хларамсса бушиву клулну буну-ва дурну духъурча, му дукъан къадурессаксса чаклин биссаву дузал къашайсар, хьуншиврул му татуаж дукъан дан аьркинссар. Хларамшиву къаклулну дурну, му дукъан дуларча гужсса цунция хъанай духъурча, къадитан бучгиссар, чаклин биссаву хисавсар, муният шариатраву «аьфву» учайссар.

Медресе имени шейха Мухаммад-Ариффа и Дагестанский Исламский Университет имени шейха Мухаммад-Ариффа

ОБЪЯВЛЯЮТ ПРИЕМ АБИТУРИЕНТОВ НА ОЧЕРЕДНОЙ 2013/2014 УЧЕБНЫЙ ГОД

Цель обучения – подготовка специалистов со средним и высшим профессиональным религиозным образованием по направлению «культ исламского вероисповедания» квалификации «священнослужитель исламского культа».



Продолжительности обучения:

в Медресе – 3 года;

в Дагестанском исламском университете – 5 лет.

ПЕРЕЧЕНЬ ДОКУМЕНТОВ НЕОБХОДИМЫХ ДЛЯ ПОСТУПЛЕНИЯ:

1. Нотариальная копия документа о среднем общем образовании (поступающим на базе основного общего образования (9 класс.) вместе с нотариальной копией аттестата необходимо представить справку со школы о переходе на семейную форму обучения)
2. Копия паспорта;
3. Фотокарточки размером 3/4 в количестве пяти штук;
4. Медицинская справка Ф 086;
5. Копия прививочного сертификата Ф 156/у-93;
6. Рекомендация от преподавателя религиозного обучения либо от руководителя мечети (имама) расположенной по месту жительства абитуриента.

Прием документов с 1 июня по 17 августа.

Наш адрес: г. Махачкала, ул. Дахадаева, д. 136

Тел.: (8722) 67 55 08; 8 988 294 56 16

ХХИРАССА УССУРВАЛ ВА ССУРВАЛ! НАЙ ДУССАР 2013-КУ ШИНАЙССА "АС-САЛАМ" ККАЗИТРАЛ ПОДПИСКА.

ККАЗИТ ЧИЧИН ХЪУНТИССАР ЧЧИМУР ПОЧТАЛИЙ ВА ГЪАРЦА РАЙОННАЙССА ЖУЛ ВАКИЛТУРАЙХЧИН. ЛАККУ МАЗРАЙССА ККАЗИТРАЛ ШИНАЙССА БАГЪА ХЪАНАХЪИССАР 270 КЪУРУШ, ОБРУС МАЗРАЙССА ККАЗИТРАЛ – 583 КЪУРУШ.

ККАЗИТ ЧИЧАВРИЛ ВА БИАН БАВРИЛ ХИАКЪИРАВУ ОБВЧИН БЮХЪАНТИССАР ВАЙ НОМЕРДАЙН: ЦИУССАЛАКРАЛ РАЙОНДАЛИЙ ВА НОВОСТРОЙРАЙ +7-988-307-04-03, ЛАККУЙ +7-988-771-59-70. АЛЛАГЪНАЛ КУМАГ БАННАВ!

**ДУАЪ**

ШАВАТУ УВККУН НАНИНИЙ УЧА

بِسْمِ اللَّهِ تَوَكَّلْتُ عَلَى اللَّهِ وَلَا حَوْلَ وَلَا قُوَّةَ إِلَّا بِاللَّهِ

Бисмиллагъи. Таваккальту аьла Ллагъ ва ла хлавла ва ла къувата илла биллагъ

Хлурмат бусса уссурвал ва ссурвал! Зунма цлуххин ччисса, Исламрацун, Шариатрацун, кулпатрал багъу-бизулуцун бавхлусса ва цаймигу суаллу гъан бан бюхъайссар SMS – райхчин 8-928-580-37-89 номерданийн, ягу 51-85-22 номерданийн овькуну цлуххин. e-mail: assalamlak@mail.ru

Рузнама**Июль**

Къини	Къорхил чак	Баргъ букваву	Ахтгайн чак	Ахтгакун чак	Марклаган чак	Хъатган чак
1	2:53	5:12	12:53	16:56	20:34	22:33
2	2:53	5:12	12:53	16:56	20:34	22:33
4	2:55	5:13	12:53	16:56	20:33	22:31
6	2:58	5:15	12:54	16:57	20:32	22:30
8	3:01	5:16	12:54	16:57	20:31	22:29
10	3:03	5:17	12:54	16:57	20:31	22:27
12	3:06	5:19	12:55	16:57	20:29	22:26
14	3:09	5:21	12:55	16:56	20:28	22:24
16	3:11	5:22	12:55	16:56	20:26	22:22
18	3:14	5:23	12:55	16:56	20:25	22:20
20	3:17	5:25	12:55	16:56	20:23	22:16
22	3:19	5:27	12:55	16:55	20:23	22:14
24	3:23	5:28	12:55	16:55	20:21	22:10
26	3:26	5:30	12:55	16:54	20:19	22:07
28	3:30	5:32	12:55	16:53	20:17	22:03
30	3:34	5:34	12:55	16:53	20:15	22:00